

REFERENCIA: PR946A 97/62-0
SOLICITANTE: RACING CLUB DE FIGUEIRAS
DOCUMENTO: PR946A.601

	XUNTA DE GALICIA
	PRESIDENCIA
	Secretaría Xeral para o Deporte
Entrada	
Salida	<i>MP</i>
Data	26 JUN 1997

NOTIFICACIÓN DA RESOLUCIÓN

Notifícase que por Resolución de 25 de xuño de 1997 do Ilmo. Sr. Secretario Xeral para o Deporte, dada de conformidade coa Lei 10/1990 Xeral do deporte (B.O.E - 17-10-1990), e Ordes de 17 de Maio de 1983 (D.O.G.) de 3-6-83) e de 20 de Novembro de 1986 (D.O.G de 5-12-86), e demais normativa aplicable, ese Clube foi inscrito no Rexistro de Clubes, Federacións e Entidades Deportivas de Galicia, co nº. 5.480.

Así mesmo, e a tenor do establecido no artigo 9º da Orde de 17 de maio de 1983, deberán comunicar e solicita-la inscrición neste Rexistro, dos cambios e alteracións dese clube que se produzan con relación ós datos consignados (cambios na Xunta Directiva, cambio de denominación, modificación dos Estatutos, enderezos sociais, etc.).

Achégaselle, para constancia e arquivo na Secretaría dese Clube Deportivo, copia dos Estatutos sociais, Acta Fundacional, e relación da Xunta Directiva.

Santiago, 25 de xuño de 1997

SECCIÓN DE REXISTRO DE CLUBES E ASUNTOS XURIDICOS,




Belarmino García Martínez



SR. PRESIDENTE RACING C. DE FIGUEIRAS

100-441



ESTATUTOS DO CLUBE:

RACING CLUB DE FIGUEIRAS

(Nome do Clube)

CAPITULO I:

NORMAS XERAIS:

Artigo 1º - O/A RACING CLUB DE FIGUEIRAS
e unha Asociación privada con personalidade xurídica e capacidade de obrar, que ten como obxecto exclusivo o fomento e a práctica da actividade física e deportiva, sen ánimo de lucro.

Artigo 2º - O/A RACING CLUB DE FIGUEIRAS practicará como principal modalidade deportiva a de FUTBOL AFECIONADO, afiliarse á Federación Galega de FUTBOL e someterá estes Estatutos á aprobación da Secretaría Xeral para o Deporte da Xunta de Galicia.

O/A RACING CLUB DE FIGUEIRAS practicará así mesmo as modalidades deportivas de _____ e para tal fin funcionarán as seccións deportivas correspondentes que se adscribirán ás respectivas Federacións, sen perxuício de que a Asemblea Xeral poida acordar a creación doutras Seccións Deportivas.

Artigo 3º - O/A RACING CLUB DE FIGUEIRAS someterase ó réxime do presuposto e patrimonio propio coas seguintes limitacións:

- a) Non poderá destina-los seus bens a fins industriais, comerciais, profesionais ou de servizo, nin exercer actividades de igual carácter co fin de repartir beneficios entre os seus socios. Os seus ingresos aplicaranse íntegramente á conservación do seu obxecto social.
- b) Poderán fomentar manifestacións de carácter físico deportivo dirixidas ó público en xeral, aplicando os beneficios obtidos ó desenvolvemento das actividades físicas e deportivas dos seus asociados.
- c) O/A RACING CLUB DE FIGUEIRAS poderá gravar e enaxenar bens inmoables, tomar cartos a préstamo e emitir títulos transmisibles representativos de débeda ou parte alicuota patrimonial, sempre que cumpra os seguintes requisitos:

- 1.- Que se autoricen tais operacións por maioría de dous tercios dos socios presentes ou representados na *Asemblea Xeral Extraordinaria*.
- 2.- Que ditos actos non comprometan de modo irreversible o patrimonio da Entidade ou a actividade físico-deportiva que constitua o seu obxecto social. Para a adecuada xustificación deste extremo se poderá esixir, sempre que o soliciten como mínimo o cinco por cento dos socios de número, o oportuno dictame económico-actuarial.
- 3.- Cando se trate de tomar a préstamo en contía superior ó 50% do presuposto anual ou que represente unha porcentaxe igual do valor do patrimonio, así como nos supostos de emisións de títulos, requerirá informe da Federación e aprobación da Secretaría Xeral para o Deporte da Xunta de Galicia.

Artigo 4º - O/A RACING CLUB DE FIGUEIRAS poderá recibir libremente doacións que non excedan da cantidade de 500.000 Pts. No suposto de doacións que superen esta cantidade será necesaria autorización expresa da Secretaría Xeral para o Deporte da Xunta de Galicia, previo informe da Federación correspondente.

Artigo 5º - O domicilio Social do/da RACING CLUB DE FIGUEIRAS
fixase na rúa F - FIGUEIRAS CORREXINS Nº 18
nº 18 poboación SANTIAGO C.P. 15.897
provincia CORUNA teléfono 57.38.84

A xunta directiva, por maioría dos seus membros e cando as circunstancias o aconsellen, poderá acorda-lo cambio do domicilio social dentro da mesma localidade. Para o traslado do domicilio a outra localidade, que deberá ser sempre dentro do territorio da Comunidade Autónoma de Galicia, será necesario o acordo maioritario da Asemblea Xeral Extraordinaria.

En ámbolos casos, o traslado de domicilio social non implicará modificación estatutaria, e terá de ser notificado ós socios, Rexistro de Clubes da Secretaría Xeral para o Deporte e Organismos que proceda.

O/A RACING CLUB DE FIGUEIRAS
tamén contará cos seguintes locais e instalacións propias:



CAPITULO II

CLASES DE SOCIOS, ADMISION, DEREITOS E OBRIGACIONS

Artigo 6º – O número de socios será ilimitado. A Xunta Directiva poderá suspender, non obstante, a admisión de novos socios cando así o exixan razóns de aforo ou capacidade física das instalacións. Os socios poderán ser das seguintes clases: de número, honorarios, aspirantes e familiares.

Artigo 7º – Son socios de número tódalas persoas maiores de idade, que satisfagan a cuota social establecida.

Os menores de 18 anos de un e outro sexo, clasificaranse como socios aspirantes, tendo dereito ó uso das instalacións sociais mediante a cuota que fixe a Comisión Directiva e pasarán automaticamente a ser socios de número ó cumpriren a maioría de idade.

Serán socios honorarios aquelas persoas ás que a Comisión Directiva confira esta distinción e terán un posto de preferencia nos actos oficiais da sociedade.

Son socios familiares todas aquelas persoas que dependan economicamente dun socio de número e convivan con el no mesmo domicilio.

Artigo 8º –

1.– Os socios de número terán os seguintes dereitos:

- a) Contribuir ó cumprimento dos fins específicos da asociación.
- b) Esixir que a Asociación se axuste ó disposto pola Secretaría Xeral para o Deporte da Xunta de Galicia e ó establecido no presente Estatuto.
- c) Separarse libremente da Asociación .
- d) Coñece-las actividades da Asociación e examina-la súa documentación, previa petición razoada á Xunta Directiva.
- e) Expor libremente as súas opinións no seo da Asociación.
- f) Ser elector e elixible para os órganos de representación e goberno da Asociación, sempre que teña plena capacidade de obrar.

2.– Son obrigacións dos socios de número:

- a) Aboa-las cuotas que esixa a Xunta Directiva.
- b) Contribuir ó sostemento e difusión do deporte ou deportes da sociedade.
- c) Acatar cantas disposicións dicte a Asemblea Xeral, a Xunta Directiva ou os membros da mesma, para o bo goberno da sociedade.



3.- Os socios aspirantes terán dereito a disfrutar dos servizos e instalacións sociais da Asociación.

4.- Os familiares dos socios de número terán dereito a disfrutar daqueles servizos e instalacións que se determinen, previo pago da cuota fixada.

artigo 9º - Para ser admitido como socio, en calquera das súas modalidades, será necesario:

- * Te-la idade sinalada para cada unha delas.
- * Solicitude por escrito dirixida á Xunta Directiva.
- * Satisface-la cuota de ingreso correspondente.

Artigo 10º - A condición de socio pérdese:

- * Por vontade propia.
- * Por falta de pago das cuotas sociais durante tres meses consecutivos.

CAPITULO III

ORGANOS DE REPRESENTACION E GOBERNO

Artigo 11º -

Son Organos de representación e goberno de RACING CLUB DE FIGUEIRAS
a Xunta Directiva e a Asemblea Xeral.

Artigo 12º -

1.- A Xunta Directiva estará formada por un número de membros non inferior a cinco nin superior a vinte, ó fronte da que haberá un Presidente e da que formará parte un Secretario e un Tesoureiro.

2.- O Presidente da Xunta Directiva e, no seu defecto aqueles outros membros da mesma que determinen os Estatutos, ostentarán a representación legal da Asociación, actuarán no seu nome e estarán obrigados a executar os acordos válidamente adoptados pola Asemblea Xeral e a Xunta Directiva.

3.- Corresponderán á Xunta directiva as seguintes atribucións:

- a) Mante-la orde e a disciplina na Sociedade, así como nas competicións que se organicen.
- b) Convocar por medio do seu Presidente, á Asemblea Xeral cando o estime necesario, cumprindo os acordos e decisións da mesma.
- c) Sinala-las condicións e forma de admisión de novos socios, así como as cuotas de ingreso e periódicas que deban satisfacerse.

- d) Redactar e reforma-los regulamentos de réxime interior, fixando as normas de uso das instalacións e as tarifas correspondentes.
- e) Nomea-las persoas que teñan de dirixi-las distintas comisións que se creen, así como organiza-las actividades do Clube.
- f) Formular inventario e balance anual, así como redacta-la memoria anual da Sociedade e, en xeral, aplicar tódalas medidas deportivas e económicas do clube.
- g) Aproba-lo cambio de domicilio social do Clube nos termos previstos no artigo 5º.

Artigo 13º

1.- A Xunta Directiva quedará válidamente constituída en primeira convocatoria cando concorran a ela a maioría dos seus membros. En segunda convocatoria será suficiente a concurrencia, polo menos, de tres dos seus membros, e, en todo caso do Presidente ou Vice-Presidente.

2.- A Xunta Directiva convocarase pola súa Presidencia con dous días de antelación como mínimo, á data de celebración. Tamén se poderá convocar a petición de tres ou máis dos seus membros.

Artigo 14º

A Xunta Directiva quedará tamén válidamente constituída, cando estean presentes tódolos seus membros, aínda que non houbera mediado convocatoria previa.

Artigo 15º

1.- O Tesoureiro da Xunta Directiva será o depositario da Asociación, asinará os recibos, autorizará os pagos e levará os Libros de Contabilidade.

2.- Será obriga do Tesoureiro formalizar, durante o primeiro mes de cada ano, un balance de situación e as contas de ingresos e gastos, que se porán en coñecemento de tódolos asociados.

Artigo 16º

O Secretario da Xunta Directiva coidará do arquivo da documentación, redactará cantos documentos afecten á marcha administrativa da Asociación e levará o Libro de rexistro de Asociados e o Libro de Actas.

Artigo 17º

A elección dos membros da Xunta Directiva, efectuarase por un período de catro anos, coincidindo con períodos olímpicos, renovándose, por metade, cada dous anos. A primeira renovación non afectará ó Presidente nin ó Tesoureiro. Tódolos cargos directivos son reelegibles.

Artigo 18º

1.- A Asemblea Xeral é o órgano supremo do goberno da Asociación e estará integrada por tódolos seus socios de número.

2.- As Asembleas Xerais, tanto Ordinarias como Extraordinarias, quedarán validamente constituídas en primeira convocatoria cando concorran a ela, presentes ou representados, a maioría dos seus asociados. En segunda convocatoria, será suficiente a concorrencia dunha cuarta parte dos asociados, e en terceira e última convocatoria quedará constituída calquera que sexa o número de membros presentes. Entre a data de convocatoria e o día sinalado para a súa celebración terán de mediar, como mínimo, quince días naturais.

Artigo 19º

A Asemblea Xeral convocarase polo Presidente a iniciativa propia ou a petición da Xunta Directiva ou do dez por cento, ó menos, dos socios de número.

1.- A Asemblea Xeral reunirase con carácter ordinario ó menos unha vez ó ano para tratar das seguintes cuestións:

- a) Memoria, liquidación do presuposto, balance do exercicio, rendición de contas e aprobación se procede.
- b) Presuposto para o seguinte exercicio.
- c) Proxecto e propostas da directiva.
- d) Propositions que formulen os socios e que terán de ir asinadas ó menos, polo cinco por cento dos mesmos.
- e) Rogos e Preguntas.

2.- Terá de se celebrar Asemblea Xeral extraordinaria para a modificación de Estatutos, elección de Xunta Directiva, toma de cartos a préstamo, emisión de títulos representativos de débeda ou de parte alícuota patrimonial, enaxenación de bens inmobles e fixación de cuotas dos socios.

CAPITULO IV

REXIME DOCUMENTAL

Artigo 20º

O réxime documental da Asociación, constará dos seguintes libros: de Asociados, de Actas e de Contabilidade.

Artigo 21º

No libro de Rexistro de Asociados, terán de consta-los nomes e apelidos dos socios de número, o seu Documento Nacional de Identidade e, no seu caso, os cargos de representación, goberno e administración que exerzan na Asociación. Tamén hanse especifica-las datas de altas e baixas, e as de toma de posesión e cese nos cargos aludidos.



Artigo 22º

Nos libros de Actas, consignaranse as reunións que celebre a Asemblea Xeral e a Xunta Directiva, con expresión da data, asistentes, asuntos tratados e acordos adoptados. As Actas terán de estar asinadas, en todo caso, polo Presidente e o Secretario.

Artigo 23º

Nos Libros de Contabilidade figurarán tanto o patrimonio como os dereitos e obrigacións, e ingresos e gastos da Asociación, debéndose precisa-la procedencia daqueles e a inversión ou destino destes.

CAPITULO V

DA EMISION DE TITULOS DE DEBEDA OU DE PARTE ALICUOTA PATRIMONIAL

Artigo 24º

1.- O/A RACING CLUB DE FIGUEIRAS
poderá emitir títulos de débeda ou de parte alícuota patrimonial.

2.- Os títulos serán nominativos.

Artigo 25º

1.- Os títulos inscribíranse nun libro que levará ó efecto a Asociación, no que se anotarán as sucesivas transferencias.

2.- En tódolos títulos constará o valor nominal, a data de emisión, e, no seu caso, o interese e prazo de amortización.

Artigo 26º

Os títulos de débeda só poderanse subscribir polos asociados, e a súa posesión non conferirá dereito algún especial ós socios, agás a percepción dos intereses establecidos conforme á lexislación vixente.

Artigo 27º

Os títulos de parte alícuota patrimonial han ser asemade, subscritos polos asociados. En ningún caso estes títulos darán dereito á percepción de dividendos ou beneficios.

Artigo 28º

Os títulos de débeda e parte alícuota patrimonial serán transferidos únicamente entre os que teñan a condición de socios.





CAPITULO VI

REFORMA DOS ESTATUTOS E DISOLUCION DA SOCIEDADE

Artigo 29º

Os presentes Estatutos só se poderán modificar, reformar ou derogar, por acordo da Asemblea Xeral Extraordinaria convocada a tal efecto, mediante votación favorable dos dous tercios dos socios de número asistentes.

A reforma destes estatutos seguirá, con respecto ó Rexistro de Asociacións Deportivas, os mesmos trámites administrativos que para a súa aprobación.

Artigo 30º

O/A RACING CLUB DE FIGUEIRAS extinguirase ou disolverase por acordo de: a) dos dous tercios dos socios en Asemblea Xeral Extraordinaria, convocada ó efecto b) por sentenza xudicial c) por outras causas legalmente determinadas.

Artigo 31º

Disolto O/A RACING CLUB DE FIGUEIRAS o remanente do seu patrimonio social, se houbera, revertirá á colectividade, comunicándose tal disolución á Secretaría Xeral para o Deporte e á Federación Galega, que acordará o destino de ditos bens para o fomento e desenvolvemento das actividades Físico-Deportivas.



DILIXENCIA: Exténdoa para facer constar que os presentes Estatuto

de RACING C. DE FIQUEIRAS

Nº 5.480

foron inscritos de conformidade co disposto no Decreto nº. 82/1983.
de 21 de Abril, publicado no Diario Oficial de Galicia nº 47, de data
13 Maio de 1983; e o Art. 16 da Lei Xeral do Deporte
(BOE 17-10-90).

Santiago, 25 de Xaño de 19 97.

SECCIÓN REXISTRO CLUBS E ASUNTOS XURÍDICOS



[Handwritten signature]



FEDERACION GALLEGA DE FUTBOL

**DELEGACION DE
SANTIAGO**



**AT. D. CARLOS VALIÑO
VICE-SECRETARIO GENERAL DE LA FEDERACIÓN GALLEGA DE
FÚTBOL
MENENDEZ PELAYO, 18-2º
15005 A CORUÑA**

27/06/97

Muy Sr. nuestro:


Adjunto envío copia de la solicitud del Club RACING CLUB DE FIGUEIRAS, para que se tenga en cuenta al objeto de su inscripción para la próxima temporada 1.997-98, en el Grupo 11º de la Liga de Modestos de Santiago.

Sin otro particular, esperando que nuestra solicitud sea atendida, aprovecho la ocasión para saludarle muy atte.

EL DELEGADO

D. Enrique Fernández Otero





418



FEDERACION GALLEGA DE FUTBOL

DELEGACION DE

SANTIAGO

EL D. CARLOS / LINO
VICE-SECRETARIO GENERAL DE LA FEDERACION GALLEGA DE
FUTBOL
MOZARDA 15100 18
LEON / CORUÑA

17 JUN 84

Muy Sr. muestro:

Adjunto envío copia de la solicitud del CLUB NAVIGACI
CLUB DE FIGUEIRAS para que se tome en cuenta el objeto de
su inscripción para la próxima temporada 1984-85 en el Grupo
112 de la Liga de Maestros de Santiago.

Sin otro particular, quedo a la espera de sus noticias y
agradezco de antemano la gestión que realice a mi favor.

EL DELEGADO

D. Enrique Fernández Otero

